
Saksnr: 2019/101-37
Saksbehandlar Amalie Bjelland Malmo
Dato: 07.05.2021

Til: Trafikktryggingsutvalet

Frå: Fylkesdirektør for infrastruktur og veg

Årsrapport for Trygg Trafikk Vestland 2020

På tampen av 2020 signerte Vestland fylkeskommune og Trygg Trafikk ny samarbeidsavtale som fører vidare forpliktingane frå samarbeidsavtalene dei to gamle fylka hadde med Trygg Trafikk. Statens vegvesen var part i dei gamle avtalene, men er førebels ikkje part i den nye avtalen. I samarbeidsavtala forpliktar fylkeskommunen seg til kvart år å løyva aktivitetstilskott (midlar til tiltak) til Trygg Trafikk, samt driftstilskott som skal dekkja reise-, kontor- og administrasjonskostnader. Årsrapport for Trygg Trafikk sin aktivitet i fjoråret ligg no føre. Aktivitetstilskottane har blitt nytta i tråd med fylkeskommunen sitt vedtak. Trygg Trafikk vart tildelt 1,3 mill. kr. i aktivitetstilskott i 2020. Årsrapporten finn de som vedlegg til saka.

For å oppretthalda mest mogleg aktivitet under koronasituasjonen omdisponerte Trygg trafikk midlar frå tiltenkt fysiske arrangement, kurs, aksjonar og liknande til gjennomføring av utforming av ny nettside for vestlandsrussen, barnehagekampanje med innkjøp av bøker og ein vesentleg auke i innkjøp knytt til refleksar og materiell til mellom anna helsestasjonar, barnehagar, skular, frivilligsentralar og lensmannskontor.

Trygge og sikre barn

Trass i utfordringar med korona fekk Trygg Trafikk gjennomført fleire arrangement, med ei lansering av gode læringsportalar som Barnas trafikkklubb og sykkeldyktig, i eit målretta arbeid opp mot barnehagane i Vestland fylkeskommune. Hjartesonar-arbeidet har hatt god framdrift tross korona. Synfaringane vart stoppa i mars, men tiltak er utført ved 35 av 67 skular, og 42 av 67 skular har ferdig utforma planar. Mindreforbruket knytt til Hjartesonar-prosjektet er planlagt nytta til innleigd administrativ støtte i prosjektet fram til sommaren. Det vart inngått avtale med Norconsult i desember 2020.

Trafikksikker ungdomstid

I arbeidet med trafikksikker ungdomstid vart løysinga gjennomføring av digitale nettverkssamlingar for valfag trafikk-lærarar og gjennomføring av digital reflekskonkurranse for ungdomsskulane.

Tryggleik for fotgjengarar og syklistar

Før sommaren spelte Trygg Trafikk inn fleire sykkelfilmar saman med Trygg forsikring i Åsane, med mål om fokus på samhandling, trafikksikre val og bruk av tryggingsutstyr både knytt til sykkel og el-sparkeykkel. Det vart ei særleg satsing på sykkellyskampanje, mellom anna i samarbeid med NCF og Miljøloftet, og etter eit ekstratilskott frå FTU. Om lag 20.000 refleksar vart sendt ut.

I tillegg vart kampanje med maskoten Lyset gjennomført, deltakinga med å arrangere trafikktryggingskonferansen med fylkeskommunen, og utgjeving av eit digitalt magasin om trafikktryggleik via Amedia.

Framtidige behov og moglegheiter

Trygg Trafikk vil halde fram som bindeledd mellom frivillig aktørar og det offentlege, m.a. gjennom arbeidet med Hjartesone, Trafikksikker kommune, Barnas Trafikkklubb, kampanjesatsing på refleks og sykling, opplæringstiltak i skuleverket og kursing i faggrupper. Også vidare arbeid opp mot kommunane blir viktig når det gjeld trafikksikringsarbeidet deira. Trygg trafikk og fylkeskommunen bør prioritere dette arbeidet. Handlingsplanen for trafikktryggleik og Regional transportplan vert viktige plandokument.

Vedlegg

1 Årsrapport Vestland 2020